

綫裝書局

山陰陸游詩集

表

天申節賀表

任繼愈署簽



宋集珍本叢刊

第二冊

四川大學古籍整理研究所 編

儒藏系列

宋集珍本叢刊

第二冊

任繼愈署簽



綏裝書局

中國·北京二〇〇四年

第二冊目錄

寇忠愍公詩集	清康熙吳調元辨義堂刻本	寇準	一
鉅鹿東觀集	清鈔本	魏野	四三
胡正惠公集	清鈔本	胡則	九一
和靖先生詩集	宋刻本	林逋	一一一
林和靖先生詩集	清季錫嘯鈔校本	林逋	一二九
武夷新集	清嘉慶刻本	楊億	一八一
河南集	清鈔本	穆修	四〇一
文莊集	清乾隆翰林院鈔本	夏竦	四二九
范文正公文集	北宋刻本	范仲淹	七二九

寇忠愍公詩集序

金紫光祿大夫行尚書戶部侍郎知河陽軍州事上柱國范雍述

混茫之始判而異焉勝爲輕清降作重濁著之顯者從其類矣是故三辰晶明委照萬寓風雲縹緲周流八極附於天也培塿成垤因之原隰潢汙積泓隨其窪窞從其地也其間萬物悉由稟焉若稟之清者飛則爲鸞鳳鵬鴒走則爲騏驎駉駉茂則爲芝蘭菰苴植則爲松桂筠篁引而伸之不可勝數人爲物之靈也是以得乎輕清則爲賢爲聖爲

寇忠愍公詩集

卷首

宋集珍
本叢刊

明爲哲爲君仁而睿爲臣正而肅爲父慈而溫爲子恭而順發爲事業則惠愛同濟聰敏純懿形於文章則典切淵奧鴻博麗正斯蓋出乎異稟忠愍公所謂輕清之降靈焉其鍾體質也溫粹莊厲和氣襲物其立臣節也端亮平直英風可尚其施政教也寬簡明裕視民如傷其爲文章也優贍微婉屬意綿密尤工於詩曲盡風雅藻思宏逸峻格高遠因興發詠公根於理得騷人之旨趣焉故所成篇詠膾炙衆口傳寫寶秘恨不多得鴻筆與學靡

不欽嘆故樞相文康即公之壻實有道之士焉志

公之墓序初知巴東曰詩家者流目爲冠巴東以

方前代羅江東趙渭南也錄公警策之篇若遠水

無人渡孤舟盡日橫到海只十里過山應萬重

此詩

傷為主嘗爲江南春二絕其一曰波渺渺柳依依

汀洲人未歸其二曰杳杳烟波隔千里白蘋香散

東風起日落汀洲一望時愁情不斷如春水人曰

寇忠愍公詩集

卷首

宋集珍
本叢刊

少貴無不足者其據詞綺靡可也氣焰可也惟不

當含悽爾今而思之迺莫年遷謫流落不歸之意

詩人感物固非偶然時以爲文康公之知言也大

約公之爲詩多有此意又如聞杜宇云曾爲深冤

無處雪長年江上哭青春平林雨歇殘陽后愁殺

天涯去國人此非先詠南行之事乎公平昔酷愛

王右丞韋蘇州詩吟詠斯則過矣雍項爲公倅常

從遊譙多聞其得意之句情思閑雅聽之忘倦隨

錄簡牘才數十篇今守三城會監軍趙侯臨即公

之中表也日與遊接時道公詩因請於公家盡錄
昔所存紀得二百餘篇并前之所錄不在此數者
及謫官後趙公所記共二百四十首類而第之分
爲上中下三卷其餘流落無復求購懼歲久磨滅
因序以成編此第言公之詩也若大節賢行則有
追謚詔旨存焉亦錄於集首俾開卷者不獨仰騷
雅之道爾

寇忠愍公詩集

卷首

三

宋集珍
本叢刊

寇忠愍公詩集序

萊公兩朝大臣勲業之盛掀天揭地人皆知有其
名而往往或不知有其詩何也蓋勲業有以揜之
也伊尹之訓周公之誥著在方冊表裏典謨而自
古及今論文者必曰孔孟而不曰伊周蓋伊周之
可稱在於興商輔周訓誥之作不足道也公清才
雅韵冠絕一世播於篇什平淡淳正得風雅之體
自其少年從仕以至立朝退處歡愉逸樂激烈憤
惋無不並見於詩太原范伯純始收錄篇什分爲
三卷春陵得之尤其後也蓋公晚年遷謫嘗至春
陵邦人思慕不忘由是建樓畫像以崇朝夕然而
詩篇之傳家百不一焉逮宣和間王公次翁來茲
曳組景仰前脩因取舊集刊版以傳士夫鼓舞以
相夸詫而春陵景物由是增輝矣近時楊守惇亦
即舊板重加刊治至此未幾而字之漫滅者復且
過半數適茲承乏政事之餘取而閱之深恐浸以
失真復命校正鳩工一新焉昔白居易謂劉禹錫
之詩在處應有神物護持禹錫一文人徒以句韵

寇忠愍公詩集

卷首

四

宋集珍
本叢刊

之工識者奇之尚且如此況公文章所在當如何
哉吾又知自有不可得而漫滅者存焉爾隆興改

元七月

日長樂辛數書

寇忠愍公詩集

卷首

五

宋集珍
本叢刊

寇忠愍公詩集序

道州介乎湖南廣西之兩間江山迴合秀潤所鍾
風俗淳厚其民尊賢樂善為兩路甲自昔聞人如
陽亢宗元次山呂溫薛伯高等相繼為州刺史邦
人榮之經數百年至今祠事不忘也次山嘗鄧度
荆南又經畧容管等八州矣然世必曰元道州而
獨道州祠堂在焉丞相萊國公以元勲大德歷事
太宗

真宗二帝膏澤滲漉衣被天下方其盛時出入將

寇忠愍公詩集

卷首

六

宋集珍
本叢刊

相雄藩鉅鎮分閭授節濟民利物隨在周治莫年
遷謫始至道州其在道州也躊躇退縮卷而藏之
固無向時之施設也然百餘年間求其遺跡而諸
鎮之客館皆丘墟矣唯道州有寇公樓尚繪公像
事之豈非尊賢樂善之俗然乎宣和壬寅次翁受
命假守既至拜公像凜凜若見其人方且朝夕磨
勵取公師法施之郡政顧樓久不葺迺命工易棖
楠之腐朽者完甃砌之頽闕者飾堊牖之漫漶者
既煥然一新矣又得公詩三卷凡二百四十篇為

校正其訛錯鏤板傳以且公之事業焜耀竹帛與日月爭光非待詩而後傳也蓋以慰邦人無窮之思而么麼趨趨亦庶幾託公詩以不朽乎宣和五年十二月朔濟南王次翁序

寇忠愍公詩集

卷首

七

宋集珍
本叢刊

贈諡誥

知制誥下理行

勅夫狗義保躬賢哲罕兼其致原心觀行褒沮得伸其公惟節惠之舊章實經世之明勅不有正議孰旌遺烈故開府儀同三司太子太傅上柱國萊國公寇準器質莊重風猷簡貴感會先聖綢繆上司明心若丹直道如矢逮余主電之日實乃秉鈞之秋圖惟協恭罔有二事違盜言之噂沓挾危法以中傷白璧易汚貝錦難辨再罹避謫遂及云亡終悲寒露之歸徒軫幽泉之痛間雖遊伸澄雪追賁寵嘉而誅功易名尚闕恩禮沈謀秘畫淪於疑論逝者莫愬朕甚閔之謚法有危身奉上曰忠佐國遭憂曰愍合是休典慰其英魂宜特賜謚曰忠愍

寇忠愍公詩集

卷首

八

宋集珍
本叢刊

寇忠愍公旌忠之碑

叅知政事孫朴奉

勅

上祀合宮之明年夏四月召兩府臣諭之曰故太子太傅萊國公寇準方嚴鯁亮有文武偉才在太宗

真宗朝建大功立大節輸謀納忠誠貫白日不幸以譴終朕甚嘆嘉之其勅史氏誤揚勲烈具志於石用垂示來世遂以命臣朴翌日又下詔賜旌忠

寇忠愍公詩集

卷首

九

宋集珍
本叢刊

之額且親篆以貴寵焉臣承命恐悻謹拜首稽首書其事公諱準字平仲其先出上谷昌平蓋春秋時司寇蘇公有勞於王室因官以命氏後世率多聞人若東漢恂子翌漕河內破蘇茂畫像雲臺為中興勲臣曾孫侍中榮以辨繁亡匿宗黨潛散他土故諱諱亡傳又數世有徙居馮翊者籍於三峯下遂為華州下邽人曾祖賓祖延良以唐末亂不仕父湘博古嗜學有文章名晉開運中登甲科冠多士後應辟為魏王記室終焉知人者惜之以公

貴封燕陳晉三國公贈官至太師尚書令曾祖母

白氏祖母鄭氏母趙氏封許陳曹三國太夫人準

始生風骨峻爽與常童不類及從師入學校超隅

占對毅然有成人風采既冠讀左氏公羊穀梁傳

不俟講說不循注疏三家異同之說輒援筆剖析

以辨明之辭道理正沛若大手先儒老生曰是真

所謂宿習者年十九一舉擢進士第解褐授大理

評事知歸州巴東縣時太平興國五年也後三歲

補大名府成安軍三遷殿中丞調兵食於西夏還

寇忠愍公詩集

卷首

十

宋集珍
本叢刊

差通判鄆州得召見稱旨遂給劄試禁中授右正言分直東觀中謝日賜緋袍銀魚罷汶上之命充三司度支推官俄轉益鐵鑄司判官公事會詔百官造事準極疏利病天子器之擢署尚書虞部郎中充樞密直學士賜金紫判吏部東銓未幾丁曹國太夫人憂有詔權奪不得已起視事淳化改元授左諫議大夫充樞密副使尋改同知樞密院事封上谷縣開國男是年十月領青州明年九月召赴關守本官叅知政事中進封上谷郡開國侯至

道二年閏七月知鄧州

真宗皇帝嗣位遷尚書工部侍郎咸平元年五月

移河陽軍二年八月改同州三年夏朝京師行次

閬鄉就授鳳翔府五年五月詔詣行在轉刑曹權

知開封府六年六月遷兵部克三司使進封開國

公時始復鹽鐵度支戶部為一使景德六年特授

守本官同中書門下平章事集賢殿大學士二年

十一月加中書侍郎兼工部尚書三年二月罷相

進刑部尚書知陝府祥符初扈從東封回遷戶部

寇忠愍公詩集

卷首

十一

宋集珍
本叢刊

尚書知天雄軍四年四月改兵部尚書車駕幸亳

權東京留守六月遷檢校太尉同中書門下平章

事充樞密使八年四月罷機務授同中書門下平

章事持節鄧州諸軍事行鄧州刺史克武勝軍節

度鄧州管内觀察處置使知河南府兼西京留守

司移判永興軍天禧元年二月換節襄州三年四

月詔赴京六月特授行中書侍郎兼吏部尚書同

中書門下平章事克景靈宮使集賢殿大學士十

二月改尚書右僕射四年六月罷相授太子太傅

進封萊國公九月降授太常卿知相州八月移守

安州途次襄陽敗道州司馬乾興元年二月再貶

雷州司戶參軍準疏通博裕果敢沈毅能斷大務

不循細檢喜風幹善議論與人無城府接物無崖

岸碩大義可為者必奮厲翔躍以身先之其勇若

賁獲至於外險中艱斬然涯垠亦坦坦無退衄意

聞一善薦道推輓不進用不已附離苟合者疾之

如仇讐初補吏治二邑推至信部中會期賦役止

計鄉里姓名論寺門民赴之無毫髮稽遲者本道

寇忠愍公詩集

卷首

十二

宋集珍
本叢刊

論薦至有以魯恭卓茂為比嘗奏事

真宗言切直上怒起準以手攀帝衣復御座持議

益勁固神色瞭然事既決乃退上曰此真將相才

吾得之若唐文皇倚魏鄭公爾歲大旱上問政闕

失準對曰在洪範天人之際若影響是固刑有所

不平爾祖吉王維皆陛下朝臣頃曲法受財各伏

萬計吉伏誅家具籍沒維止校於私室仍領濠之

定遠簿蓋叅知政事汚同母弟也陛下重輕如是

允懌之咎殆天所以誠告上嗟悟者久之咸平景

德中契丹頻歲犯塞多縱遊騎剽掠小不利即引去偽徜徉無開意準曰是狙我也願朝廷練帥領簡驍銳分據要害地以捕之是冬果大舉舉國來寇越瓦橋攻高陵直抵於澶魏將飲馬河端

真宗憂之召羣臣議或曰寇深入矣宜戒嚴京城益重兵守衛或有西南之幸準止之曰淺議方今聖德明備上合天心將臣協和參講師律若帝馭順動一舉而北彼黨類自當遁走設未然則出兵以撓其謀堅守以老其衆顧主客勞逸之狀我得

寇忠愍公詩集

卷首

十三

宋集珍
本叢刊

勝算必矣上悅於是大駕北征至澶南城中外獻言願駐驛以觀形勢準曰不過河則人心未寧虜氣未懾非所以取威決勝也且王超領勁兵屯中山以扼其亢李繼隆石保吉以大兵扼其左右肘四方征鎮赴援日至何慮而不進固爭之連頓首於上前意氣詞語憤然感慨是日幸北寨御北樓觀視營壁撫勞部伍軍民歡呼自近及遠聲振於數郡虜相視怖駭不能成列俄而勁弓伏發殄其元帥因密奏書以請盟朝廷始遣曹利用往成之

御史缺準取沈毅敢言士塞詔同列者不悅屢白吏持例文進準曰宰相所以器百官今用例則所謂進賢退不肖乃虛語耳命去之故士擢用在準持衡時得人為多先帝倦庶政丁謂曲奸迎合結權倖以用事準請問便殿數其姓名曰某與某皆壬人異時不可輔少主願更擇方亮大臣為羽翼矧皇太子睿德天縱英聲日茂延師傅議經史默識古今成敗事見臣僚決機務周知天下安危計雖周之成漢之昭殆難以擬議陛下胡不協天人

寇忠愍公詩集

卷首

十四

宋集珍
本叢刊

之係望講宗社之正謀引登大明敷照重霄固祖宗萬世之基本言訖俯伏鳴噓議未下明日黨人以急變聞飛語密中準準坐此得罪既行過零陵踰大陂護兵從騎先後不屬溪夷乘間鈔掠而去已而酋長召告之曰聞寇準在道若等奈何竊賢相行索神明其祐若乎趨遣種人持所掠還準伏道下引罪且拜公慰遣之至南海晨旦朝謁從事如常時謂其子曰守法奉正士人常操以窮通成敗易之者非吾意先是署東偏屋凡數楹陋不庇

風雨準完基訪材構為層樓置几榻其間經史老
莊及天竺書環列前後暇或看誦之賓至則憑高
瞰虛笑語燕燕若初無廊廟之貴者嶠南山水峻
絕其道路往往斬崖瀕澗曲折高下馬不能平進
郡縣官有伐竹為輕輿以迓準者準謝曰吾罪人
騎馬足矣冒炎溽捫險阻日行百里左右為之泣
下準昂然無隕獲容色其度量過人如此及雷陽
吏以圖獻閱視之首載郡東南門抵海岸凡十里
準恍然悟曰吾少時有到海秋十里過山應萬重

寇忠愍公詩集

卷首

十五

宋集珍
本叢刊

之句迄今日意爾人生得喪豈偶然耶自是色空
夢幻深詣諸法危坐終日寂無他營天聖元年閏
九月移授銀青光祿大夫檢校國子祭酒行衛州
司馬是月七日以疾終於貶所年六十三嗚呼非
常之切遇非常之器業然後成不世之節待不世
之忠賢然後立且準初繇計府入輔屬三聖紹統
四隅和晏上方講稽儒術尊右文教以成太平之
形容敵人睚眦出我不意衆號百萬北方騷然文
紳武綬策慮倒置準抗難犯之色建不拔之議天

威輝揚霆激而雷掣大惠鋪迪春熙而日融民焉
息肩士也卷甲憬彼氛祲凝為至和逮今三紀矣
而羽書不馳烽燧不舉義信惇結古無與隣準之
功馬伏波周尚父之功矣洎自秦川再相時聞閭
親政稍儉當路恂恂中外靡遑底寧準密圖本元
深遏萌漸殺氣一吐形於謨明排邪斥疑濱死不
顧聞準之風者心魄駭視而後知大正不可干大
奸不可肆大名不可取大器不可窺倭夫忠懦夫
有立志及

寇忠愍公詩集

卷首

十六

宋集珍
本叢刊

真皇棄天下倖黨斂手畏伏忠義兩宮坐朝廢政
平一輔翊慈惠卒隆寶圖準之節霍子孟狄梁公
之節矣準篤志於學而晉公亡歲時祠祀感激涕
淚泣然若孺慕者終其身不易在成安兄弟以卜
筮為請準曰未也父為士子為大夫葬則士祭則
大夫吾先人以文學中高第卒事王藩若追贈未
逮則陪臣矣吾豈忍以士禮葬既通顯乃護二喪
還成安太子遣中貴人勉諭賙恤恩數踰等大為
縉紳榮初丁崖貳政以諛冒自任又能陽為戚施

伺人顏色密圖忌間之漸一日會食政事堂羹漚
準鬚謂起以袖徐拂之準正色曰公忝國大臣乃
曲躬爲官拂鬚邪謂大愧其後邪正寢戾甚於冰
炭黃言營營日肆媒孽準簡固醇挺未始一疑於
心故及南遷之難至今天下皆寃之無幾何謂敗
得竄道由海康準從者有欲釋憾謀不利於謂準
知之陳大席一無間設戲具悉召坐且命之博奕
因隱几觀焉聞謂行乃罷平生著述於章疏尤工
國政民事亡巨細均校利害爲上悉陳之其旨粹

寇忠愍公詩集

卷首

十七

宋集珍
本叢刊

其言簡故多所開益餘囊都焚滅棄去雖至戚不
得見好爲詩警策清悟有劉夢得元微之風格其
氣馥奇拔則又過之準起諸生兩朝內外更委幾
四十載其間較評詮選摠決浩穰主財利之煩膺
居留之重助敷密畫叅告大猷剖符十藩持節二
鎮一踐樞弼再登宰輔小則糾逖通隱刷除弊欺
嚴之以關防正之以繩墨差立定格牢不可踰大
則鼓動賢業彌綸帝戴朝家系之休戚政教闢之
治亂表正四海斷焉一德凡累封戶萬二百真二

千七百爵上公階勲極品功臣始賜推忠佐理加
推誠報德崇仁忠亮翊戴人臣之遇其亦至矣然
而不置私第不營田園所得俸賜皆分給宗黨故
舊去之日家無餘資及

朝廷許葬洛師獲還之費僅能完給久之詔復舊
官爵賜諡曰忠愍公前娶許氏故給事中仲宣之
女不及準而亡再娶宋氏故左衛上將軍邢公延
渥之女封晉國夫人準無子以弟之子隨爲後隨
勁介有履行終於殿中丞女四人長造樞密使尚

寇忠愍公詩集

卷首

十八

宋集珍
本叢刊

書吏部侍郎同中書門下平章事王曙次造太府
卿畢慶長次又爲畢氏繼室次造司封員外郎直
史館張子皋孫四人長諱贊善大夫次誦誠並大
理評事次諭未仕君子謂公慮已也輕以約謀國
也勇而固義在則死不足畏義亡則生不足惜勢
無以移其操利無以疚其心出處始終乎合大正
昔之垂勲名載簡編者有幾宜乎沒世三十年而
究天子思之生民懷之指紳景行之古風穆然炳
炳如在詩云樂只君子邦家之基準之謂也銘曰

太宗膺圖章聖御極丕昭武經誕布文德準起孤
童遂階貴籍歷事兩朝薦釐庶職剛嚴俊明篤厚
正直非義不蹈非忠不迪開補治具栢栢智力指
陳機宜侃侃容色遠人猖狂入犯王域蟻結魏南
狼跳燕北準抗一言羣類惕息天嗣繼照閭慈叅
翊猜萌構險佞間投隙準矢一謀姦人跋踏晏晏
萬務愉愉四國如石之堅我社我稷如山之安我
疆我場亮節高峙謗言衆惑勞既不圖咎從而得
風清莫涉瘴嶺晨陟氣凌飄雲誠貫白日至於隕

寇忠愍公詩集

卷首

十九

宋集珍
本叢刊

世曾靡憂戚道無久否帝用近惜申詔在庭俾書
其實海田變更陵谷遷易準之大名時萬時億

吳門東青閣書切楊壽洪日前挾書入柳余訪

密舍枉搜篋底苦妙善本嗣得此帙重其為明謝

氏小阜齋所回同故歸取此本校讀一過竟夜而畢

原本十行二十字版心下方有小阜齋鈔本五字有晉

安謝氏家藏圖書周雪客家藏書二印率真昂

不得以校竟遂以歸之庚申十月二十五日增補記

寇忠愍公詩集卷上

開府儀同三司太子太傅中書令上柱國萊國公寇準著

奉和 御製中秋詠月歌

戒井銅龍漏水平玉輪初滿物華清光連南極星
輝正影泛中天帝宇明風來蘋末披輕霧香濕蘭
叢浥零露絳河橫度燦雲章靈鶴羣飛遶宮樹法
久照兮慶昌時樂芳宴兮忘疲敷睿文兮玩澄景
當嚴更兮漸永九門秘邃敞亮宸霽霽金波矚目
頻進牘豈能抽鄙思賡歌深愧預朝倫

寇忠愍公詩集

卷上

一

宋集珍
本叢刊

奉 聖旨賦牡丹花 時正言直館

栽培終得近天家獨有芳名出衆花香遞暖風飄
御座葉籠輕霧襪明霞縱吟宜把紅牋襞留賞惟
將翠幘遮深覺侍臣千載幸許隨仙仗看穠華

奉和 御製南郊禮成

薦降靈符昭瑞命交脩盛則薦清衷朝真曲里揚
丕烈顙帝圓壇報昊穹迷職萬邦咸執玉來庭異
域協占風禹功高天無極堯德明如日正中福
浸含生臻富壽澤流綿宇需龐鴻業盛豐潔神皆

饗金石和平政本通辭辭雲烟當畫麗熙熙景物
共春融羣臣抃蹈瞻宸扆願比南山祝壽躬

奉和 御製真遊殿上梁

敦崇妙本庸丕貺瀆發鴻源示永年吉語密傳當
乙夜粹儀祇覲擁祥烟皇心翼翼精齋至祖德綿
綿道誨宣誕集純禧彰錫美交修茂典表欽先爰
稽大壯新瓊宇仰法殊庭設綺筵山積瓊材成構
矣神扶華棟見巍然元龜獻兆良辰協哲匠施勤
庶藝全四柱如暈循寶勢觚稜削玉燦珠躔黼惟

寇忠愍公詩集

卷上

二

宋集珍
本叢刊

風設宸居麗翠葆躬臨聖志虔昭荅明靈陳盛會
賡詞敷暢煥雲霞

奉和 御製郊外觀稼

天苑清塵宿雨收翠華觀稼慶盈疇氣和玉燭成
豐歲露冷金莖凜素秋日麗鮮原平杳杳烟含嘉
穀鬱油油共知省歛敷農事信史騰芳紀勝遊

瑞慶園觀稼奉 聖旨次韻

善苗棲畝昭靈貺禁苑鳴鑾值素秋欽籍神倉符
禮本采詩良耜慶農收宴開雲幄皇慈洽日駐天

衡席賞錫千載逢辰增猷抃清塵叨從屬車遊

應 制賞花

上苑經春雨宸遊屬盛時花光籠寶檻柳色暗龍池
激澗離觴滿融和暖日遲共歌成至樂千載播聲詩

應 制太清樓觀書

仙禁開書府神毫紀格言簡編包舜禹圍範總乾坤
稽古崇邦教斯文闢聖門從遊觀奧秘何以報宸思

寇忠愍公詩集

卷上

三

宋集珍
本叢刊

御製乃眷儲闈方崇學術錫羣書於冊府

勵至業於承華日命近班同觀盛事七言

十韵詩一首奉 聖旨次韵

景命昭彰宥德基元儲敦裕協祥期寢門劬至嘗
無怠學肆多聞詎有疑金玉騰音鏘睿律簡編申
錫振良規河圖奧秘言誠訓藝圃優柔善益資玉
宇風清傳密詔蓬山雲委錫芳蕤天顏不遠回宸
眷肉味都忘聽寶辭燕翼詒謀欣教盛上庠隆道
慶才奇叨逢華旦居黃閣久侍宣遊近赤墀恩厚

薦承三畫接力微寧致百工熙東闡疏問英猷逮
聖慮乾乾更念茲

御製慶元后升祔禮成七言六韵奉和

天錫靈符興寶祚澤流綿宇福舍生蒸蒸至孝咸
歸厚翼翼精衷尚執盈順考漢儀彰道廣欽崇周
典闡文明豆蓬合饗豐盛備管磬同和雅奏成愛
景融輝昭善應非烟絢采協殊禎尊升茂典光傳
史稽古鴻猷振帝絃

應 制賞花釣魚

寇忠愍公詩集

卷上

四

宋集珍
本叢刊

龍禁舍佳氣鑒輿下建章碧波微蕩漾紅萼竟芳
芳玉笋春醪滿金波晝漏長逢時空竊抃萬寓正
歡康

和 御製降聖節內中道場親瑞鶴神雀

歌

秋斂霜凝當永夕靈場齋潔方無數高真諄誨昔
親聞上帝休禎今再覲懽慈兮卿雲仙鶴兮不羣
肅清兮采席神雀兮振翼香飄華燭焰亭亭風度
翠簾聲歷歷嘉應紛綸寶運昌聖人功與天無極

奉和 御製奉祀述懷歌

巍巍至德充綿寓翼翼宸心臨光慶覆育懷生動
法天講求茂典皆師古協和神化踵唐堯彬蔚頌
聲踰吉甫赫奕皇威振八荒清夷王度綏中土豐
年朝野正歡康溢牒充圖福紀祥禱聖繼明恢大
業禎符錫祚降穹蒼省方展宸宣邦職登岱銘功
舉國章睢上埋牲專事地漢唐故實存聞紀精靈
昭感果潛通瑞應昭臻知所自颺羽光臨神告彰
洪源肇啟仙遊暨瀨鄉舊壤關珍詞款謁齋莊敦

寇忠愍公詩集

卷上

五

宋集珍
本叢刊

睿意謙都素贖達彤庭耆耄雲趨共漚誠順考皇
儀尊妙道再脩盛節徇典情聲明文物當興運申
命羣儒究禮經秩秩德音咸布惠穰穰景福必求
成恭虔忠祠為齋久企仰真風志克勤肅奉蕭薌
嘉薦備廣覃慶賜湛恩頻式揚丕烈心彌繫祇上
鴻名道益伸將親虞巡陪法從幸同鳧藻樂昌辰

大安殿致齋

國陽崇大報王宇藻多儀散致尊王度懷柔祝帝
僖儲精通合漠玩志協激夷律正風來迴宵長月

上遲漏筒聲漸漚陸戰影流離風戒羣倫序交歡
百慮怡星繁陳法仗雲密陰平遠傳曉鳴梢動威
容整率祇

大安殿酌獻 天書

聖運昭惟永高真協降祥方嚴泰壇祀先薦金山
章典禮官無曠消辰筮有常中天華闕秘象袞睟
容莊宵迴星河燦風微羽衛揚獻酬靈契接陟降
寶儀彰顧謐欽元命寅恭達上蒼彌文輝竹帛備
物儼蕭薌尊道宸心至登春雅俗康猶將奉齋潔

寇忠愍公詩集

卷上

六

宋集珍
本叢刊

提福俟穰穰

西垣致齋日因成一章呈二相公

攝事脩雩祀齋居近紫庭千門夏雨歇萬樹夕陽
生更散掖垣靜風來鐘漏清嚴廊慙舊德書殿愧
羣英白髮將何補丹心忽自驚敢言陪邴魏三接
本休明

瓊林苑應 制

鳳蹕出重城宸遊順物情檻花紅藥盛花樹綠陰
成雨過池塘靜風來殿閣清樂和堯酒滿千載樂

昇平

和 御製祀后土

臨晉迎清蹕靈壇備克裡薦誠祠后土求福爲蒸
民展義王猷遠推恩慶賜均千官陪漢祀萬國奉
虞巡仗衛明初日郊原麗上春花飛函谷路柳暗
大陽津宿麥深藏雉柔桑遠映人河流迴二陝山
勢壯三秦簫鼓聞睢上旌旗過渭濱天聲 野
兵氣懾 隣在鎬皇懽洽橫汾睿藻新周南慙滯
迹空想屬車塵

寇忠愍公詩集

卷上

七

宋集珍
本叢刊

述懷

吾家嗣儒業奕世盛冠裳挂籍冠倫輩天下知聲
光有才無其命不得步玉堂余亦好古者詩禮承
餘芳赴義忘白刃奮節凌秋霜垂衣遇聖主射策
遭時昌十九中高第弱冠司國章棘寺陪法吏奉
使安殊方薄才難變俗賤節唯勤王務簡忽興念
不覺心徬徨慈親違萬里瘴雨悲南荒端居增浩
歎離恨銷剛腸木落多異感蟬鳴非故鄉長思千
萬乘奉職昇周行步武親玉陛獻納肩忠良功成

自高退散髮遊滄浪

古別意

水螢光淡曉色寒庭除索寞星河殘清樽酒盡艷
歌闌離人欲去肝腸絕露荷香散西風驚征車漸
遠聞雞鳴深閨從此泣秋扇夢魂常在遼陽城

江南春

波渺渺柳依依孤村芳草遠斜日杏花飛江南春
盡離腸斷蘋滿汀洲人未歸

追思柳渾汀洲之詠尚有遺妍因書一絕

寇忠愍公詩集

卷上

八

宋集珍
本叢刊

杳杳烟波隔千里白蘋香散東風起日落汀洲一
望時愁情不斷如春水

遠恨

敗葉亂如雨暮蟬聲似哭感物悲昔心佳期悵難
續雲山雖阻歎韶華若在目深情染絳牋密密空
盈幅溫瘴鴈不來遊魚隱深谷羽鱗孰可憑音書
安可復焚灰寄長風字滅魂亦逐

雜言

吾徒曠達由曾臆恥學鯁生事文墨蛟龍長欲赴